



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Bartholomæi Salutij Reformierten Franciscaner
SeelenParadeis**

Cambi, Bartolomeo

München, 1623

23. Wann vnd zu was zeit man betrachten soll.

urn:nbn:de:hbz:466:1-45572

Das 23. Capitel.

Wann vnd zu was zeit man
betrachten soll.

Seel. Noch eins sag mir/ als
dann wöllen wir die von dir fürs
geschribene vbung anfangen/
wird ich also betrachten können/ als oft
ich wil?

Engel. Mit nichten nit: sonder als
lein wann du in dir einen einfluß oder
anzug der göttlichen Gnaden empfindest/
alsdann mustu dich Gotte dē Herzen
auffopffern / damit er dir nach seinem
göttlichen Wolgefallen dise empfindliche
Andacht (dann also wird sie von allen
Andächtigen genennet) gebvnd neme
/ vnd also mustu verharren/ solang die
Andacht wehrt / vnnnd wann Gott die
gnädige einflussung auffhelt/ gleichfals
vergnügt bleiben.

Seel. Was soll ich aber thun/ wann
dise himlische einflussung abnimpt vnd
auffhört?

Engel.

Engel. Du sollest Gott dem Herrn für diese sonderbare / so wol auch für alle andere dir erzeugte Gutthaten möglichstes Lob vnd Dank sagen / vnd dich darnach zum lesen / betten vnd betrachten schicken / vnd widerumb der Göttlichen einflussung erwarten.

Seel. Wie soll ich diesen einfluß / welchen du sagst / daß er von Gott geschieht werde / erkennen?

Engel. Dese werden die gütliche zeichen seyn. Nach dem Gebett / lesen oder betrachten wirstu müed werden. Wann einer nach langer Mühe vnd Arbeit müed vnd schwach wird / so begehrt er zu schlaffen vnd zu ruhen: Solches wird auch dir begegnen / dann wann du durch langwüriges betten / lesen oder betrachten gleichsam müed vnd schwach worden / wirstu in einen süßen Schlaf vnd liebliche Ruhe gerathen / alßdann fürsiche dich wol / daß du keinem frembden Gedanken / wie ich dich vormaln ermahnet hab / einiges orth / Raum oder Platz gebest.

Seel.

Seel. Ach heiliger Engel was sag
gestu: Mich gedunckt jetzt schon / wie
mich ein süsse Ruhe ankomme.

Engel. Du magst jetzt erfahren /
was ich dir gesagt hab / vnd schließ mir
gewalt alle Einfäll vnd Gedanken auß.

Seel. So schweig nun / vnd laß
michs ein wenig erfahren.

Engel. Du magst ruhen / ich wil dir
zuwarten wie lang du wilt.

Seel. Fürwar also ist ihm / wie du
gesagt hast / vnd wie ich vermeyn / so ges
het es mir trefflich wol von statt.

Engel. Gebenedeyt vnd hochgelobt
sey der allersüsseste Namen Jesus.

Seel. Amen. Ist aber auch noch
was anders in obacht zunehmen.

Das 24. Capitel.

Von den beschawungen / wel
che die Seel erwecken vnd auffe
wunnern.

Engel. An Worten würd
mir nicht manglen. Es ist abe
gnug